

Vernissascha dil cudisch d'affons «Sur las neblas» da Xenia Berther

La sera dils 18 da zercladur 2026 ein biebeen 60 persunas seradunadas ella Sala Cristalla a Sedrun per tedlar la historia da Juna che semetta sin viadi per anflar siu ver dacasa.

La historia raquenta d'ina uolp marvigliusa che sgola entuorn il mund en in ballun d'aria cun siu amitg Lupo. Sin lur viadis scuvieran els tiaras lontanias, entaupan animals fascinonts ed emprendan d'enconuscher differentas culturas. Leutier passentan els aventuras plein tensiun e fan novas amicezias. Igl ei pilver in raquent che scaulda il cor.

L'autura ed illustratura dall'ovra *Sur las neblas*, Xenia Berther, ha prelegiu cun bia calira ed entusiassem ord siu emprend cudisch d'affons. Sia moda da raquintar animada ha captivau pign e grond. Musicalmein ei la prelecziun vegnida accompignada dil cantadur e musicist indigen, Dario Hess, e da Severin Bonolini. Cun lur canzuns e melodias han els contribuì all'atmosfera emperneivla. La selecziun dalla musica era tscharnida aschia ch'ella ei secunfatga cullas differentas tiaras che cumparan ella historia da Juna.

Il cudisch vegn edius dalla Chasa Editura Rumantscha. Karin Kohler-Pattis e Nadina Derungs han accompignau il project ed ein medemamein stadas presentas alla vernissascha. Karin Kohler-Pattis ha moderau l'occorrenza a moda simpatica e dau interessantas envestas ella

creaziun dil cudisch. Era la decoraziun detagliada ha contribuì che las visitadras ed ils visitaders han saviu sfundrar el mund dalla historia. Suenter la vernissascha ha l'autura signau cudischs duront ch'ils visitaders e las visitadras han schau gustar in stupent apero ch'ei vegnius preparaus dil café La Miula.

La sera ei stada caracterisada da sentu-padas persunales e discuors animonts. El num dalla vischnaunca lein nus gratular a Xenia ed a tuttas persunas ch'ei stadas involvidas tier la creaziun dall'ovra litterara, tier l'ediziun dil cudisch e tier l'organisaziun dalla vernissascha bein gartegiada.

Possi la historia da Juna cun sias bialas illustraziuns far plascher a biars affons. Dalla proxima ovra dall'autura indigena selegrein nus gia oz.

Cordials salids

Vischnaunca Tujetsch

